

O‘zbekiston
Metama’lumot
Metropolitan yo‘llari uzunligi

Ishlab chiqilgan sana: 03.09.2025

Oxirgi yangilangan sana: 03.09.2025

0. Asoslar

0.1 Qonuniy asoslar

0.1.1 Statistik ma’lumotlarni yig‘ish, qayta ishlash va tarqatish uchun javobgarlik

O‘zbekiston Respublikasi Milliy statistika qo‘mitasi

2021-yil 11-avgustda Sharqiy Yevropa, Kavkaz va Markaziy Osiyo uchun Rasmiy statistika to‘g‘risidagi namunaviy qonuni asosida ishlab chiqilgan “Rasmiy statistika to‘g‘risida”gi O‘zbekiston Respublikasi qonuni qabul qilindi.

Ushbu Qonunning maqsadi rasmiy statistika sohasidagi munosabatlarni tartibga solishdan iborat. Qonunning amal qilishi rasmiy statistikaning tayyorlovchilarga va undan foydalanuvchilarga, respondentlarga hamda ma’muriy ma’lumotlarni yetkazib beruvchilarga, shuningdek ular o‘rtasida yuzaga keladigan, rasmiy statistikaning tayyorlash, tarqatish va muvofiqlashtirish bilan bog‘liq bo‘lgan munosabatlarga nisbatan tatbiq etiladi.

Shuningdek, O‘zbekiston Respublikasi Prezidentining 2025-yil 24-fevraldagi “O‘zbekiston Respublikasi Milliy statistika qo‘mitasi faoliyatini tashkil etish chora-tadbirlari to‘g‘risida” PQ-75-son qarori bilan tasdiqlangan O‘zbekiston Respublikasi Milliy statistika qo‘mitasi to‘g‘risida nizomga muvofiq, Milliy statistika qo‘mitasi rasmiy statistikaning asosiy prinsiplariga rioya etilishini va xalqaro tavsiyalarga muvofiq bo‘lgan statistika uslubiyotlarining bir xilligini ta’minlash; statistika ma’lumotlarini yig‘ishni, uy xo‘jaliklarining statistika kuzatuvlarini, ro‘yxatga olishlarni, bir marotabalik hisobga olishlarni, tanlanma so‘rovlarni va boshqa statistika kuzatuvlarini o‘tkazishni tashkil etish; barcha darajadagi foydalanuvchilarni belgilangan tartibda rasmiy statistika ma’lumotlari bilan ta’minlash; statistika maqsadlarida foydalanish uchun statistika registrlari va tasniflash tizimini yuritish uchun javobgar hisoblanadi.

Shu bilan birga, Rasmiy statistika to‘g‘risidagi Qonunning 14-moddasiga muvofiq statistika organlari quyidagi huquqlarga ega:

- davlat va xo‘jalik boshqaruvi organlaridan, fuqarolarning o‘zini o‘zi boshqarish organlaridan, banklardan hamda boshqa tashkilotlardan statistika kuzatuv shakllarini olish va statistika kuzatuv ma’lumotlaridan statistika maqsadlarida foydalanish;
- statistik birliklar faoliyatining statistika kuzatuvlarini o‘tkazish va olingan birlamchi ma’lumotlardan statistika maqsadlarida foydalanish;
- jismoniy shaxs bo‘lgan respondentlarni statistika kuzatuvlarida ishtirok etganligi uchun rag‘batlantirishni amalga oshirish;
- davlat va xo‘jalik boshqaruvi organlaridan, shuningdek boshqa tashkilotlardan statistika dasturlarini bajarish uchun zarur bo‘lgan axborotni so‘rash hamda olish;

- rasmiy statistikani tayyorlash uchun zarur bo'lgan statistika ma'lumotlarini yig'ishga jismoniy va yuridik shaxslarni qonunchilikka muvofiq shartnoma asosida jalb etish;

- statistika ma'lumotlarini yig'ish, ularga ishlov berish, ularni umumlashtirish, tahlil qilish, tarqatish va saqlashning zamonaviy usullari va vositalaridan foydalanish hamda ularni milliy statistika tizimiga joriy etish;

- statistika ma'lumotlarini taqdim etish bilan bog'liq qoidabuzarliklar aniqlangan taqdirda, ularni bartaraf etish haqida ko'rsatmalar berish va statistika ma'lumotlariga tegishli tuzatishlar kiritish;

- statistika hisobotlarini taqdim etish tartibini buzgan mansabdor shaxslarga nisbatan ma'muriy jazo choralarini qonunga muvofiq o'z vakolatlari doirasida qo'llash.

O'zbekiston Respublikasi Prezidentining 2017-yil 12-sentabrdagi F-5054-son farmoyishiga muvofiq, mamlakatdagi iqtisodiy va moliyaviy ma'lumotlar Xalqaro Valyuta Fondining kengaytirilgan umumiy ma'lumotlar tarqatish tizimi (k-MTUT)ga to'g'ri kelishi va uning doirasida muvofiqlashtirilishi kerak.

Statistika jarayonlarini boshqarish, shu jumladan statistika ma'lumotlarini tayyorlash va tarqatish xalqaro sifatni boshqarish modellari (GSIM, GSBPM, GAMS0)ga asosan ishlab chiqilgan milliy tartib-taomillarga muvofiq amalga oshiriladi.

0.1.2 Ma'lumot ishlab chiqaruvchi tashkilotlar o'rtasida ma'lumotlar almashinuvi va muvofiqlashtirish

O'zbekiston Respublikasi Milliy statistika qo'mitasi

"Rasmiy statistika to'g'risida"gi Qonunning 11-moddasiga asosan rasmiy statistikani tayyorlovchilar statistika ma'lumotlarini ishlab chiqishda xalqaro darajada tavsiya etiladigan tushunchalarga, tasniflarga va uslubiyatga amal qiladi.

Vakolatli davlat organi rasmiy statistikaning boshqa tayyorlovchilarining faoliyatini statistika dasturlari doirasida muvofiqlashtiradi.

Rasmiy statistikani tayyorlovchilar statistika ma'lumotlarini tayyorlash uslubiyatini o'z vakolatlari doirasida muvofiqlashtiradi.

Rasmiy statistikaning boshqa tayyorlovchilarining statistika uslubiyatlarida xalqaro tavsiyalarga nomuvofiqlik aniqlangan taqdirda vakolatli davlat organi statistika uslubiyatlari auditi yakunlariga ko'ra ushbu tayyorlovchilarga ijro etilishi majburiy bo'lgan taqdimnomalar kiritish huquqiga ega.

Milliy statistika tizimiga kiruvchi rasmiy statistikaning boshqa tayyorlovchilari tomonidan statistika ma'lumotlarini shakllantirish va vakolatli davlat organi bilan axborot almashinuvini ta'minlash uchun mas'ul bo'lgan bo'linmalar tashkil etiladi.

Rasmiy statistikani tayyorlovchilar hamda ma'muriy ma'lumotlarni yetkazib beruvchilar o'zlarida mavjud bo'lgan statistika ma'lumotlarini va (yoki) ma'muriy ma'lumotlarni vakolatli davlat organiga statistika dasturlarida belgilangan tartibda va muddatlarda bepul taqdim etadi.

"Rasmiy statistika to'g'risida"gi Qonunning 10-moddasiga asosan, Statistika kengashi vakolatli davlat organi huzuridagi rasmiy statistikaning rivojlantirilishi, faoliyat ko'rsatishi va muvofiqlashtirilishi masalalari bo'yicha kollegial maslahat organidir.

Statistika kengashining tarkibi davlat boshqaruvi organlarining, ilmiy-tadqiqot tashkilotlarining, nodavlat notijorat tashkilotlarining vakillari, shuningdek statistika bo'yicha milliy ekspertlar orasidan tuziladi.

0.1.3 Respondentlar individual ma'lumotlarining maxfiyligi

O'zbekiston Respublikasi Milliy statistika qo'mitasi

“Rasmiy statistika to‘g‘risida”gi Qonunning 27-moddasiga asosan, rasmiy statistikani tayyorlovchilar tasarrufidagi mavjud individual ma'lumotlardan faqat statistika maqsadlarida, jamlanma statistika ma'lumotlarini shakllantirish uchun foydalaniladi.

Davlat organlari, fuqarolarning o'zini o'zi boshqarish organlari va boshqa tashkilotlar, shu jumladan xalqaro tashkilotlar tomonidan individual ma'lumotlardan tergov, nazorat qilish, sud muhokamasi, ma'muriy qarorlar qabul qilish maqsadida yoki jismoniy va yuridik shaxslarga yoki uy xo'jaliklariga taalluqli boshqa maqsadlarda foydalanilishi mumkin emas.

Milliy statistika qo'mitasi xodimlari axloq kodeksiga, shu jumladan maxfiylik prinsiplariga rioya qilishlari, o'zlarining vazifalarini bajarishda ularga taqdim etilgan har qanday individual ma'lumotlarni oshkor qilmasliklari kerak.

Ularni lavozimga tayinlash paytida majburiyatlari haqida ma'lumot beriladi. Milliy statistika qo'mitasining har bir xodimi ma'lumotlarni oshkor qilmaslik majburiyatini o'z ichiga olgan shartnomaga qo'l qo'yishi shart.

0.1.4 Statistik hisobotlarni taqdim etish

O'zbekiston Respublikasi Milliy statistika qo'mitasi

“Rasmiy statistika to‘g‘risida”gi Qonunning 14-moddasiga asosan, statistika organlari davlat va xo'jalik boshqaruvi organlaridan, fuqarolarning o'zini o'zi boshqarish organlaridan, banklardan hamda boshqa tashkilotlardan statistika kuzatuv shakllarini olish huquqiga ega. O'zbekiston Respublikasining Ma'muriy javobgarlik to'g'risidagi [kodeksining](#) 215-moddasiga muvofiq mansabdor shaxslarning statistika kuzatuvini olib borish uchun zarur bo'lgan hisobot va boshqa ma'lumotlarni taqdim etmaslikda ifodalangan statistika hisobotlarini taqdim etish tartibini buzishi, hisobot ma'lumotlarini buzib ko'rsatishi yoki hisobotlarni taqdim etish muddatlarini buzishi bazaviy hisoblash miqdorining yetti baravaridan o'n baravarigacha miqdorda jarima solishga sabab bo'ladi.

“Rasmiy statistika to‘g‘risida”gi Qonunning 16-moddasiga asosan, Statistika dasturlariga binoan statistika kuzatuvlarini o'tkazish chog'ida respondentlar rasmiy statistikani tayyorlovchilarga ishonchli va to'liq ma'lumotlarni rasmiy statistikani tayyorlovchi tomonidan belgilangan tartibda va muddatlarda bepul taqdim etishi shart.

0.2 Resurslar

0.2.1 Kadrlar, moddiy-texnika bazasi, kompyuter vositalari va moliyalashtirish

Markaziy apparatda “Metropolitan yo'llari uzunligi” ko'rsatkichini shakllantirishda 1 nafar xodim va har bir hududiy statistika boshqarmalarining xizmatlar sohasi statistikasi bo'limlarida 1 nafar xodim shug'ullanadi.

Statistika ma'lumotlarini shakllantirish bo'yicha belgilangan vazifalarni bajarishda xodimlar soni yetarli.

Barcha xodimlar iqtisodiy sohada oliy ma'lumotga ega bo'lib, O'zbekiston Respublikasi Milliy statistika qo'mitasining Kadrlar malakasini oshirish va statistik tadqiqotlar institutida har 2 yilda kamida bir marta malaka oshiradilar.

Har bir ish joyi shaxsiy kompyuter bilan jihozlangan, dasturiy ta'minot muntazam ravishda yangilanib turadi.

Statistika dasturida belgilangan ishlarni bajarish uchun moliyalashtirish yetarlidir.

1. Beg'arazlik

1.1 Kasbiy mahorat

1.1.1 Statistikaning xolisligi

O'zbekiston Respublikasi Milliy statistika qo'mitasi

"Rasmiy statistika to'g'risida"gi Qonunining 6-moddasiga asosan, rasmiy statistikasining asosiy prinsiplari, jumladan beg'arazlik va xolislik hisoblanadi.

"Rasmiy statistika to'g'risida"gi Qonunining 13-moddasiga asosan, Davlat organlari, boshqa tashkilotlar va ularning mansabdor shaxslari statistika organlarining ushbu Qonunga muvofiq amalga oshirilayotgan faoliyatiga aralashishga haqli emas.

Hududiy statistika boshqarmalari, tumanlarning (shaharlarning) statistika bo'limlari mahalliy davlat hokimiyati organlaridan mustaqil bo'lib, bevosita vakolatli davlat organiga bo'ysunadi.

Kadrlarni tanlab olish va ularni yuqori lavozimlarga tayinlashda, ularning statistika sohasida tajribasi va kasbiy malakasi e'tiborga olinadi. Boshqarma xodimlari malakasini oshirish O'zbekiston Respublikasi Milliy statistika qo'mitasining Kadrlar malakasini oshirish va statistik tadqiqotlar instituti tomonidan tashkil etiladigan o'quv kurslarida hamda xalqaro tashkilotlar tomonidan tashkil etiladigan o'quv kurslari, o'quv-amaliy seminarlarda ishtirokini ta'minlash orqali ta'minlanadi. Boshqarma xodimlari Kadrlar malakasini oshirish va statistik tadqiqotlar institutida tashkil etilgan o'quv kurslarida ma'ruzalar bilan ishtirok etadi. Ommaviy axborot vositalarida Boshqarma xodimlarining ilmiy maqolalarini e'lon qilib borish tashkil etilgan.

1.1.2 Manbalar, uslublar va tarqatish usullarini tanlash

O'zbekiston Respublikasi Milliy statistika qo'mitasi

"Rasmiy statistika to'g'risida"gi Qonunning 33-moddasiga muvofiq:

Rasmiy statistikani tayyorlovchilar rasmiy statistikaning sifatini doimiy asosda baholab boradi. Sifat kafolatini ta'minlash uchun rasmiy statistika rasmiy statistikaning qamrovi, tushunchalari, statistik birliklari va tasniflariga taalluqli umumiy prinsiplar hamda usullar asosida tayyorlanadi va tarqatiladi.

Rasmiy statistikani tayyorlovchilar rasmiy statistikaning sifatini yaxshilash maqsadida ma'lumotlarni tahlil etish va tahrir qilish, turli manbalardan olingan ma'lumotlarni birlashtirish, ma'lumotlarni statistika maqsadlarida bir-biriga bog'lashni va solishtirishni amalga oshirish hamda baholashning statistik usullaridan foydalanish huquqiga ega.

Rasmiy statistikani tayyorlovchilar tayyorlash jarayonida foydalaniladigan manbalar va usullarni, shuningdek yakuniy ma'lumotlar to'plamlarini hujjatlashtirib boradi. Rasmiy statistikadan foydalanuvchilar statistika ma'lumotlarining manbalari va ularni tayyorlash usullari hamda rasmiy statistika ma'lumotlarining sifati to'g'risida metama'lumotlar yordamida xabardor qilinadi.

1.1.3 Statistika ma'lumotlarni noto'g'ri talqin qilish yoki undan noto'g'ri foydalanish bo'yicha sharh

O'zbekiston Respublikasi Milliy statistika qo'mitasi

Milliy statistika qo'mitasi statistik ma'lumotlarni noto'g'ri talqin qilish va statistik ma'lumotlardan noto'g'ri foydalanilganda o'z izohini berishi mumkin.

1.2 Shaffoflik

1.2.1 Statistika ma'lumotlarni yig'ish, qayta ishlash va tarqatish qoidalari va tartibining oshkoraligi

O'zbekiston Respublikasi Milliy statistika qo'mitasi

“Rasmiy statistika to'g'risida”gi Qonunning 6-moddasiga binoan, rasmiy statistikaning asosiy prinsiplari tushunarlik va shaffoflik. Statistika ma'lumotlarni yig'ish, qayta ishlash va tarqatish bo'yicha shartlar O'zbekiston Respublikasining statistika qonun hujjatlarida keltirilgan. Ushbu qonunchilik choralari veb-saytga joylashtirilgan va jamoatchilikni ular bilan tanishish imkoniyati mavjud. “Rasmiy statistika to'g'risida”gi Qonun va statistik ma'lumotlarni ishlab chiqish va tarqatish muddatlari aniq ko'rsatilgan statistika dasturi Milliy statistika qo'mitasi rasmiy veb-saytiga (www.stat.uz) joylashtirilgan. Qonun Oliy Majlis byulletenida, normativ-huquqiy hujjatlar bazasi (norma), shuningdek Adliya vazirligining www.lex.uz manzilida joylashgan ma'lumotlar bazasida ham mavjud. Statistika ma'lumotlarni shakllantirish uchun respondentlar tomonidan taqdim etiladigan statistika hisoboti shakllari Milliy statistika qo'mitasi rasmiy veb-saytida foydalanuvchilar uchun oldindan e'lon qilinadi.

1.2.2 Hukumatning statistik ma'lumotlar e'lon qilinishidan oldin ko'rishning ichki imkoniyati

O'zbekiston Respublikasi Milliy statistika qo'mitasi

Hukumat Milliy statistika qo'mitasi tomonidan tayyorlangan statistik ma'lumotlarni ularni e'lon qilish vaqtidan oldin ko'rish imkoniyatiga ega emas. Statistika ma'lumotlarni tarqatishda statistika organlari mustaqildir. Davlat organlarining aralashuviga yo'l qo'yilmaydi (“Rasmiy statistika to'g'risida”gi Qonunning 13-moddasi). Faqat Qo'mita direktori, uning o'rinbosarlari va mas'ul xodimlar statistik ma'lumotlar e'lon qilinishidan oldin ularni ko'ra oladi.

1.2.3 Statistika ma'lumotlarning atributlari (belgilari)

O'zbekiston Respublikasi Milliy statistika qo'mitasi

Jamoatchilikka e'lon qilinayotgan bosma statistik nashrlar, axborotnomalar, ommaviy axborot vositalarida berilayotgan ma'lumotlarning Milliy statistika qo'mitasi tomonidan ishlab chiqilganligi uning logotipi va izohlari orqali aniq belgilanadi.

1.2.4 Uslubiyatlar, ma'lumotlar manbasi va statistik usullardagi asosiy o'zgarishlar haqida oldindan xabardor qilish

O'zbekiston Respublikasi Milliy statistika qo'mitasi

Yangi uslubiyatga o'tishdan, mavjud uslubiyatlar va usullarga sezilarli o'zgartirishlar kiritishdan oldin Milliy statistika qo'mitasi jamoatchilikni oldindan xabardor qiladi. Milliy statistika qo'mitasi o'z rasmiy veb-saytida foydalanuvchilarni qanday o'zgarishlar kutayotganini tushuntiruvchi tegishli uslubiy ko'rsatmalarni joylashtiradi. Maqolalar, yangiliklar va matbuot anjumanlarida kutilayotgan o'zgarishlar jamoatchilikka yetkaziladi.

1.3. Axloq me'yorlari

1.3.1 Xodimlarning axloq me'yorlari bo'yicha ko'rsatmalar

O'zbekiston Respublikasi Milliy statistika qo'mitasi

Milliy statistika qo'mitasi xodimlari uchun Odob-axloq qoidalari tasdiqlangan. Ular axloq kodeksiga, shu jumladan maxfiylik prinsipiga rioya qilishlari, o'zlarining vazifalarini bajarishda ularga taqdim etilgan har qanday ma'lumotlarni oshkor qilmasligi kerak. Ular lavozimga tayinlanayotganda ushbu majburiyatlar haqida tushuntirishlar beriladi. Milliy statistika qo'mitasi xodimi individual ma'lumotlarni oshkor qilmaslik majburiyatini olgan shartnoma tuzishi shart.

2. Uslubiyat

2.1 Konsepsiya va tushunchalar

2.1.1 Konsepsiya va tushunchalar

2025-yil 31-yanvardagi 11-sonli buyrug'i bilan tasdiqlangan "Transport statistikasi ko'rsatkichlarini shakllantirish bo'yicha uslubiy nizomi"da "Metro yo'llarining uzunligi" ko'rsatkichini shakllantirishning uslubiy asosi hisoblanadi.

Metro yo'llarining uzunligi (yo'lining foydalaniladigan uzunligi) – ikki yoqlama hisobda hisoblanadi va bekatlar orasidagi asosiy yo'lining uzunligini tashkil etadi.

Hisobot yili oxiriga metropoliten xo'jaligi balansida bo'lgan barcha – yo'lovchi, yuk, depo yo'llari, razyezdlar, tutashgan yo'llar, burilish halqalari va boshqa yo'llar uzunligi qo'shiladi va bir yoqlama (bir liniyasi) yo'l hisobida keltiriladi.

2.2 Statistik qamrov

2.2.1 Statistik qamrov

2.2.1.1 Ma'lumotlarning statistik qamrovi

Ma'lumotlarning geografik qamrovi O'zbekiston Respublikasi va Toshkent shahri o'z ichiga oladi.

2025- yilgacha ko'rsatkich 1 transport shakli "Avtomobil, elektr (tramvay, metro, trolleybus) transporti va xo'jalik avtomobil yo'llari uzunligi to'g'risidagi hisobot" yillik statistik hisoboti asosida shakllantirildi.

2025- yil yakunlari bo'yicha ma'lumotlar 1 elektr transporti shakli "Elektr transporti bo'yicha so'rovnoma" yillik so'rovnomasi asosida shakllantiriladi.

2.2.1.2 Statistik qamrovdan istisnolar

Istisnolar yo'q.

2.2.1.3 Aniqlanmagan faoliyat

Yashirin iqtisodiyoti hisobga olinmaydi.

2.3 Tasniflash/sectorlar bo'yicha taqsimlash

2.3.1 Tasniflash/sectorlar bo'yicha taqsimlash

Ma'lumotlarning geografik qamrovi O'zbekiston Respublikasi va Toshkent shahri o'z ichiga oladi.

Asosiy hisob birligi – institutsional birlik.

2.4 Hisobga olish asoslari

2.4.1 Baholash

Ma'lumotlar yo'lovchilarni elektr transportida tashishni amalga oshiruvchi yuridik shaxslar tomonidan taqdim etilgan statistik kuzatuv ma'lumotlari asosida shakllantiriladi.

Metro yo'llarining uzunligi (yo'lining foydalaniladigan uzunligi) – ikki yoqlama hisobda hisoblanadi va bekatlar orasidagi asosiy yo'ning uzunligini tashkil etadi.

Hisobot yili oxiriga metropoliten xo'jaligi balansida bo'lgan barcha – yo'lovchi, yuk, depo yo'llari, razyezdlar, tutashgan yo'llar, burilish halqalari va boshqa yo'llar uzunligi qo'shiladi va bir yoqlama (bir liniyali) yo'l hisobida keltiriladi.

2.4.2 Hisobga olish asosi

2025- yilgacha ko'rsatkich 1 transport shakli "Avtomobil, elektr (tramvay, metro, trolleybus) transporti va xo'jalik avtomobil yo'llari uzunligi to'g'risidagi hisobot" yillik statistik hisoboti asosida shakllantirildi.

2025- yil yakunlari bo'yicha ma'lumotlar 1 elektr transporti shakli "Elektr transporti bo'yicha so'rovnoma" yillik so'rovnomasi asosida shakllantiriladi.

2.4.3 Yalpi/sof ko'rsatkichlarni hisoblash tartib-taomillari

Ko'rsatkichlar yillik davrda hisoblanadi.

3. Aniqlilik va ishonchlik

3.1 Birlamchi ma'lumotlar

3.1.1 Birlamchi ma'lumotlarni yig'ish asoslari

Korxonalarining statistik kuzatuvlarini o'tkazish uchun O'zbekiston Respublikasi Vazirlar Mahkamasining "Korxonalar va tashkilotlarning yagona davlat reestrini yuritish va uning asosida davlat xizmatini ko'rsatishga oid normativ-huquqiy hujjatlarni tasdiqlash to'g'risida" 2022-yil 28-sentabrdagi 539-sonli qaroriga muvofiq faoliyat yurituvchi kompleks va doimiy yangilanib turiladigan korxonalar va tashkilotlarning yagona davlat registri asos bo'ladi.

Ko'rsatkich bo'yicha ma'lumot manbai elektr transportida yo'lovchilarni tashish bilan shug'ullanuvchi yuridik shaxslar tomonidan taqdim etilgan statistik ma'lumotlardir.

3.1.2 Birlamchi ma'lumotlarning ta'rifi, qamrovi, tasniflari, baholanishi va hisobga olish davri

Metro yo'llarining uzunligi (yo'lining foydalaniladigan uzunligi) – ikki yoqlama hisobda hisoblanadi va bekatlar orasidagi asosiy yo'ning uzunligini tashkil etadi.

Hisobot yili oxiriga metropoliten xo'jaligi balansida bo'lgan barcha – yo'lovchi, yuk, depo yo'llari, razyezdlar, tutashgan yo'llar, burilish halqalari va boshqa yo'llar uzunligi qo'shiladi va bir yoqlama (bir liniyali) yo'l hisobida keltiriladi.

2025- yilgacha ko'rsatkich 1 transport shakli "Avtomobil, elektr (tramvay, metro, trolleybus) transporti va xo'jalik avtomobil yo'llari uzunligi to'g'risidagi hisobot" yillik statistik hisoboti asosida shakllantirildi.

2025- yil yakunlari bo'yicha ma'lumotlar 1 elektr transporti shakli "Elektr transporti bo'yicha so'rovnoma" yillik so'rovnomasi asosida shakllantiriladi.

3.1.3 Birlamchi ma'lumotlarning o'z vaqtida tayyor bo'lishi

Ma'lumotlarni yig'ish dasturi statistika dasturi bilan tartibga solinadi.

Ma'lumotlar yillik hisobot davridan keyin 6 oydan kechiktirmay.

3.2 Birlamchi ma'lumotlarni baholash

3.2.1 Birlamchi ma'lumotlarni baholash

Yig'ilgan ma'lumotlar nafaqat O'zbekiston Respublikasi Milliy statistika qo'mitasi darajasida ham tahlil qilinib, majburiy nazorat va tekshiruvdan o'tkaziladi. Agar ro'yxatga olishda, tasniflashda va nazorat qilishda xatolar aniqlansa, u holda, ma'lumotga respondentlar bilan yana bir bor aniqlik kiritiladi.

3.3 Statistik usullar

3.3.1 Birlamchi ma'lumotlar bilan ishlashda statistik usullar

Ko'rsatkichni hisoblash uchun bazis va joriy davrlar ma'lumotlari taqqoslanadi.

3.3.2 Boshqa statistik jarayonlar

Yo'q.

3.4 Ma'lumotlarni taqqoslash

3.4.1 Oraliq natijalarni taqqoslash

Ko'rsatkichni hisoblash uchun bazis va joriy davrlar ma'lumotlari taqqoslanadi. Agar ro'yxatga olish, tasniflash, nazorat qilishda xatolar aniqlansa, ma'lumotlar respondentlar bilan yana aniqlanishi kerak.

3.4.2 Oraliq ma'lumotlarni baholash

Asosiy oraliq ma'lumotlardagi mumkin bo'lgan tafovutlar tahlil qilinadi va ularni bartaraf etish uchun tuzatishlar kiritiladi.

3.4.3 Yakuniy statistik ma'lumotlardagi tafovutlar va boshqa nomuvofiqliklarni o'rganish

Ilgari nashr qilingan ma'lumotlarda tafovutlar aniqlansa, keyingi nashrlarda o'zgartirishlar kiritiladi.

3.5 Ma'lumotlarni qayta ko'rib chiqish tahlili

3.5.1 Ma'lumotlarni qayta ko'rib chiqishni o'rganish va tahlil qilish

Agar nomuvofiqliklar aniqlansa, ilgari e'lon qilingan ma'lumotlar keyingi nashrlarda o'zgartiriladi. Ma'lumotlarni nashr qilish: har yili - hisobot davridan keyin 6 oydan oshmasligi kerak.

4. Amaliy yaroqlilik

4.1 Davriylik va o'z vaqtidaligi

4.1.1 Davriylik

Ko'rsatkichni shakllantirish har yili, hisobot davridan keyin 6 oydan ko'p bo'lmagan muddatda amalga oshiriladi.

4.1.2 O'z vaqtidaligi

Ko'rsatkich har yili hisobot davridan keyin 6 oydan oshmagan muddatda nashr qilinadi.

4.2 Qiyosiylik

4.2.1 Ichki qiyosiylik

Ko'rsatkich tasdiqlangandan va tarqatilgandan so'ng, statistik qatorlar qayta ko'rib chiqilmaydi.

4.2.2 Vaqt bo'yicha qiyosiylik

Ma'lumotlar 2000- yildan O'zbekiston Respublikasi Milliy Statistika qo'mitasi rasmiy veb-saytida joylashtirilgan. (<https://stat.uz/ru/ofitsialnaya-statistika/services>).

4.2.3 Sektorlar va sohalar o'rtasidagi qiyosiylik

Yo'q.

4.3 Ma'lumotlarni qayta ko'rib chiqish

4.3.1 Ma'lumotlarni qayta ko'rib chiqish jadvali

Ko'rsatkichni shakllantirish uchun ma'lumotlar statistika dasturida ko'rsatilgan muddatda yangilanadi.

4.3.2 Dastlabki va/yoki qayta ko'rib chiqilgan ma'lumotlarni aynan shu toifasi bo'yicha belgilash

Yakuniy ma'lumotlar tarqatiladi.

4.3.3 Ma'lumotlarni qayta ko'rib chiqishni o'rganish va tahlil qilish bo'yicha olingan natijalarni tarqatish

Ilgari nashr qilingan ma'lumotlarga aniqlik kiritilsa, qayta ko'rib chiqilgan ma'lumotlar keyingi nashrlarda taqdim qilinadi. Qayta ko'rib chiqilgan (yakuniy) ma'lumotlar O'zbekiston Respublikasi Milliy statistika qo'mitasining nashrlari orqali tarqatiladi.

5. Qulayligi

5.1 Ma'lumotlar

5.1.1 Statistik ma'lumotlarni taqdim etish

Statistik nashrlarda ma'lumotlar "Transport faoliyatining asosiy ko'rsatkichlari" byulleteni shaklida taqdim etiladi. "Transport va aloqa" to'plamida bir necha davrdagi ko'rsatkichlar ma'lumotlarni taqqoslash uchun jadvallar shaklida keltirilgan. Shuningdek, ma'lumotlar foydalanuvchilarga ularning so'roviga muvofiq jadvallar shaklida taqdim etiladi.

5.1.2 Ma'lumotlarni tarqatish vositalari va shakllari

5.1.2.1 Bosma shaklda – Yangi nashr

"Transport va aloqa" to'plami.

5.1.2.2 Bosma shaklda – Oylik byulletenlar

Mavjud emas.

5.1.2.3 Bosma shaklida – Choraklik byulletenlar

Mavjud emas.

5.1.2.4 Bosma shaklida – Yillik byulletenlar

Statistik nashrlarda ma'lumotlar "Transport faoliyatining asosiy ko'rsatkichlari" byulleteni shaklida taqdim etiladi.

5.1.2.5 Bosma shaklida – Boshqalar

Foydalanuvchilarning alohida so'rovlari bo'yicha jadvallar.

5.1.2.6 Elektron shaklida - Byulleten yoki nashrlar

O'zbekiston Respublikasi Milliy statistika qo'mitasining rasmiy veb-saytida (<https://stat.uz/uz/rasmiy-statistika/services-2>), "Statistika" integrallashgan axborot tizimida (SIAT) (<https://siat.stat.uz/reports-filed/666/table-data>).

5.1.3. Ma'lumotlarni e'lon qilish jadvali

Ma'lumotlar har yili hisobot davridan keyin 6 oydan oshmagan muddatda e'lon qilinadi.

5.1.4 Bir vaqtning o'zida e'lon qilish

-

5.1.5 So'rov bo'yicha ma'lumotlarni tarqatish

Foydalanuvchilarning alohida so'rovlari bo'yicha jadvallar.

5.2 Metama'lumotlar

5.2.1 Konsepsiyalar, statistik qamrov, tasniflar, hisobga olish asoslari, ma'lumotlar manbasi va statistik usullar to'g'risidagi hujjatlar va ma'lumotlarni tarqatish

O'zbekiston Respublikasi Milliy statistika qo'mitasining rasmiy veb-saytida (<https://lib.stat.uz/uz/features/xizmatlar-sohasi/1006-transport-statistikasi-ko-rsatkichlarini-shakllantirish-bo-yicha-uslubiy-nizomni-tasdiqlash-to-g-risida>), "Statistika" integrallashgan axborot tizimida (SIAT) (<https://siat.stat.uz/reports-filed/666/meta-data>).

5.3. Foydalanuvchilarga yordam ko'rsatish

5.3.1 Aloqa bog'lash bo'yicha ma'lumotlarni tarqatish

O'zbekiston Respublikasi Milliy statistika qo'mitasining rasmiy veb-saytida (<https://stat.uz/uz/rasmiy-statistika/services-2>), "Statistika" integrallashgan axborot tizimida (SIAT) (<https://siat.stat.uz/reports-filed/666/table-data>).

9. Rejalar

9.1 Oxirgi

9.1.1 Takomillashtirish rejasi – Oxirgi takomillashtirishlar

Statistika va idoraviy kuzatuv vositalar(shakllar)ini takomillashtirish.

9.2 Umumiy

9.2.1 Takomillashtirish rejasi – Qisqa muddatli

Statistika va idoraviy kuzatuv vositalar(shakllar)ini takomillashtirish.

9.2.2 Takomillashtirish rejasi – O‘rta muddatli

Statistika va idoraviy kuzatuv vositalar(shakllar)ini statistika Dasturida belgilangan muddatlarda takomillashtirish.

9.3 Moliyaviy

9.3.1 Takomillashtirish rejasi – texnik/moliyaviy ko‘makka talab – Qisqa muddatli

Moliyalashtirish statistika dasturi doirasida amalga oshiriladi.

9.3.2 Takomillashtirish rejasi - texnik/moliyaviy ko‘makka talab – O‘rta muddatli

Moliyalashtirish statistika dasturi doirasida amalga oshiriladi.

Aloqa bog'lash uchun shaxs (shaxslar):

F.I.O.:	Mirzaxidov Abdug'ofur Yuldashevich
Lavozim:	Boshqarma boshlig'i
Bo'linma:	Xizmatlar sohasi statistikasi boshqarmasi
Idora:	O'zbekiston Respublikasi Milliy statistika qo'mitasi
Manzil:	Mustaqillik shoh ko'chasi, 63-uy
Shahar/region:	Toshkent shahri
Mamlakat:	O'zbekiston Respublikasi
Pochta indeksi:	100170
Telefon: mamlakat kodi/shahar kodi/raqam	+ 998 71 203 80 00 (1280)
Faks: mamlakat kodi/shahar kodi/raqam	
Elektron manzil:	a.mirzaxidov@stat.uz